

中國方志叢書·華北地方·第四八〇號

據

清康熙二十九年刊本
清·邱天英撰

影印

河南省

汝陽縣志

(三)

成文出版社有限公司印行

汝陽縣志卷之九

汝陽縣知縣渭南邱天英續修

妃后補

人物志

鄉賢
方伎

列傳
仙釋

列女
雜記

附
游寓

志曰汝南人物唐虞以前無聞矣自商周來代有傳人而東漢尤盛按班范史汝南郡三十七城若宜春平輿安成陽城富波俱省入汝陽而袁氏許氏周氏應氏為汝陽著姓公侯將相忠孝節義炳炳麟麟實甲天中其餘光明俊偉之士自魏晉以迄元明載在正史者班班可考也彙

而集之豈獨詡前人勛名之赫奕亦以俾生茲
土者曠世相感庶古人之流風餘韻不與陵谷
變遷云志人物

妃后補

商

太任平與人

嘗讀漢史見汝南人物之盛先後蔚起實甲天
中後考唐世系表及路史諸書湯左相仲虺七
世孫曰成徙國於摯摯平與也再世而生太任
為季厯元妃詩曰思齊太任文王之母思媚周
姜京室之婦又曰摯仲氏任自彼殷商乃及王
季維德之行周家聖母多矣前有姜嫄後有太
姒而太任光裕於其間宜詩人之咏歌不置也

特列妃后一條以見朗山汝水之降神也從來
遠矣仰天英識

鄉賢補

漢光祿大夫周舉

漢廣陵太守袁良

漢司隸校尉應奉

漢零陵太守周嘉

漢侍中戴憑

漢陳留太守周防

漢泰山太守周乘

漢賢良方正周燮

漢重台令周豐

漢光祿主事廷 訪

漢泰山太守應 訪

漢東門祭酒恭 順

漢司空爽 安

漢徵君黃 憲

漢太傅錄尚書掌高陽侯林 憲

漢大司徒許 靖

漢功曹許 邵

漢徵拜侍中薛 包

晉梁州刺史周 訪

梁禮部郎周 捨

唐檢校尚書右僕射贈司徒周 燁

宋知制誥掌三班院孫 何

宋給事中孫 僅

明湖州少府張 琳

明山西道監察御史巡按陝西楊來鳳

明扶風教諭石 昂

明咸寧訓導李 玠

明漢中憲副張 崇

明湖廣憲副張惟恕

明工部員外郎桂祥

明蘇州府知府張元孝

明濟陽訓導李孟頌

明廊州知州羊傑

明南京吏部尚書趙賢

明瑞陽少府羊可立

明封文林郎李呈芳

明贈正議大夫兵部尚書傅一善

明工部右侍郎桂有根

明臨潁教諭張自立

明太子少保吏部尚書加贈太子太保莊靖王宗

明山東按察司按察使楊位

明山東布政使司右布政使吳愈

明應廣趙得卯

明南京兵部尚書贈太子太保莊毅傅振高

明賜進士亞中大夫山東叅政孔惟德

明賜進士江南松江府知府孔輔

明賜進士第監察御史劉紳

明賜進士出身戶部主事劉訓

明賜進士山東萊州府同知劉誨

甚哉士之不可不自砥礪也懿行修於一時而
俎豆永於百世雖云崇曩哲實以勸將來也後
人觀其姓氏考其嘉行或功著於朝宇或品隆
於鄉黨陵谷變遷而廟祀不改相與勉為實行
而耻為浮薄其必由此也夫

秦

陳勝字涉汝南陽城人少嘗與人傭耕歎曰苟
富貴無相忘也傭者笑涉曰燕雀安知鴻鵠之志哉
秦二世發閭左戍漁陽勝度失期法當斬乃會陽夏
吳廣舉事勝自立為王號張楚陳勝應卒以亡秦
陳涉之起魚書狐鳴其事微矣而太史公列諸
世家又曰涉雖死其所置遺侯王將相竟亡秦予
陳涉之功所以甚矣之罪也嗚呼涉亦人傑也哉
史記陳涉陽城人而不詳書其地與漢書地理志

陽城一在潁川一在汝南觀趙高譖李斯曰丞相
長男李由為山川守楚盜陳勝皆丞相旁縣之子
以故楚盜公行過山川城守不肯擊則陳涉為汝
南人明矣

漢西

周 仁字季房平王少子汝墳侯烈十九世孫邕
俱嗣侯秦滅周邕失侯邕生秀秀生仁漢興續周之
嗣復封仁為汝墳侯賜號正公以汝墳下濕徙安成
十子長曰球執金吾生平陵令應應生郎中孝廉道
道生五官中郎約

周 燕字少卿汝南人約也宣帝時為郡決曹掾太守枉殺曰燕諫不從遂殺囚黜燕囚家守闕稱冤詔遣覆考燕見太守曰願定文書著燕名府君但言時病而已出譴掾吏曰諸君被問以罪推燕如一言及府君手劔相示使乃收燕擊獄屢被掠楚辭無屈撓當下蠶室歎曰我平王之後正公元孫豈可以刀鋸之餘下見先君遂不食死五子子興重合令子羽櫟陽令子仲東海太守子明宛州刺史子良潁陽令號曰五龍並以儒業上讓為素

尹更始字翁君漢宣帝時從郎中戶將蔡千秋受

穀梁春秋與蕭望之等各以經義顯於世仕至諫大夫長樂戶將又通左氏取其變理合旨為章句傳子咸及翟方進卿郎房鳳咸至大司農

桓寬字次公治公羊春秋舉為郎仕至廬江太守丞博通善屬文推行鹽鐵論增廣條目極其論難著數萬言究治亂成一家之法

何並字子康平輿人何武舉能治劇為長陵令侍中王林卿以太后貴驕橫並追捕林卿令奴冠其冠被襜褕代乘車身從間徑馳去並縛奴叱吏斷首持還置却亭下署曰故侍中王林卿坐殺人埋冢舍

使奴剝寺門鼓吏民驚駭太后泣為言哀帝問狀而
善之遷並隴西太守徙潁川時潁川鍾元為尚書令
領廷尉有權弟威為郡掾贓千金元免冠為弟請下
等之罪願就髡鉗並曰罪在弟與律不在太守元懼
遣人呼其弟陽翟輕俠趙年李歆多畜賓客漁淫閭
里持吏長短聞並至亡去並勅曰三人非負太守迺
負王法鍾威犯在赦前驅入函谷關勿令汙民間否
則收之趙李遠去當得其頭以謝百姓威負其兄止
雒陽吏格殺之亦得趙李也郡持頭還並皆懸頭及
其具獄於市並子恢關都尉建武中孫為郎